

CONSTITVTIO. PA VLI. PAPA E. V

Super Quarta Funeralium à Fratribus Ordinis Beatæ MARIAE
de Monte Carmelo non exigenda.



PA VLVS. PAPA. QVINTVS

AD. PERPETVAM. REI. MEMORIAM



Ecce Romanum Pontificem, quæ sacris Ordinibus à Sede Apostolica dudum concessa sunt, facta, restaq; tueri, inter quos adit ordo Beatæ & Gloriosæ semperq; Virginis Mariæ de Monte Carmelo, cui inter alia, sicut accepimus, diuersi Romani Pontifices concesserunt illius Domos, seu Monasteria ante annos quadraginta ædificata non tenei ad solutionem Quartæ Funeralium, Idq; etiam à Concilio Tridentino de prædicto, & alijs sacris ordinibus decretum fuit. Cum autem quæreretur, an eadem postea à quadraginta annis ædificata deberent dictam Quartam soluere, Venerabiles Fratres Nostri Sanctæ Romanæ Ecclesiæ Cardinales Decretorum dicti Concilij interpretes censuerunt, Monasteria ædificata à quadraginta annis citrà non teneri ad solutionem Quartæ

Funeralium huiusmodi si modo sint eius Religio nis, cui à dicta Sede ante Quadraginta annos indultum sit, vt eandem Quartam non teneant soluere Episcopo. Quare, nè dicti Ordinis Carmelitani Monasteria, seu Domos in quibuscunq; Mundi partibus à quadraginta annis ædificata indebitè cogantur soluere dictam Quartam Funeralium, eorumq; indemnitati prospicere cupientes, ac tenores Literarum concessionum huiusmodi forsan cõfictarum præsentibus pro expressis habentes, dilecti filij Procuratoris Generalis dicti Ordinis Carmelitani illius nomine Nobis porrectis supplicationibus adducti, Volumus, mandamus, decernimus, & declaramus omnia, & singula huius Ordinis Beatæ Mariæ de Monte Carmelo Monasteria, seu Domos in quibuscunq; Mundi partibus à quadraginta annis ædificata, illorumq; Conuentus, & Fratres nullo modo, nullauè ratione teneri ad solutionem dictæ Quartæ Funeraliũ, & ob nõ solutionem huiusmodi aliquas sententias, censuras, & penas incurrere posse. Inhibentes in virtute factæ & obedientiæ omnibus, & singulis Patriarchis, Archiepiscopis, Episcopis, & Parochialium Ecclesiarum Rectoribus, ac alijs, quos id concernit, ne ab ipsi s Fratribus Monasteriorum, seu Dõmorum à quadraginta annis ædificatorum dicti Ordinis Carmelitani Quartam Funeralium huiusmodi quoquo modo exigere, aut eos desuper molestare audeant, seu præsumãt. Quod si quis contradicere præsumperit, indignationem Omnipotentis Dei, ac Beatorum Petri, & Pauli Apostolorum eius nouerit se incursum; Sicq; per quoscuq; Iudices, & Commissarios quauis auctoritate fungentes, etiam Causarum Palatii Apostolici Auditores, ac Sanctæ Romanæ Ecclesiæ Cardinales, sublata eis, & eorum cuilibet quauis aliter iudicandi, & interpretandi facultate, & auctoritate vbiq; iudicari, ac diffiniri debere, necnon irritum, & inane si secus super his à quoquam quauis auctoritate scienter, vel ignoranter contigerit attentari. Quocirca dilectis filijs Causarum Curie Cameræ Apostolicæ generali Auditori, & nunc, & pro tempore existentibus nostris, ac dictæ Sedis Nuncijs in Regnis, seu locis, aut Terris vbi dictæ domus ædificata fuerint existentibus mandamus, quatenus ipsi, vel duo, aut vnus eorum per se, vel alium, seu alios præsentem Literas, & in eis contenta quæcunq; vbi, & quando opus fuerit, solemniter publicantes, ac Fratribus prædictis in præmissis efficacis defensionis præsidio assistentes faciant præmissa omnia obseruari, nec permittant eos desuper à quoquam molestari, Contradictores quo libet, & rebelles, & præmissis non parentes per sententias, censuras, & penas Ecclesiasticas, aliq; opportuna iuris, & facti remedia appellatione postposita compellendo, inuocato etiam ad hoc si opus fuerit auxilio brachij secularis. Non obstantibus quibusuis Constitutionibus, & Ordinationibus Apostolicis vbi quibuscunq; tenoribus, & formis, ac cum quibusuis clausulis, & decretis in genere, vel in specie, ac alias in contrarium quomodolibet concessis, approbatis, & innouatis. Quibus omnibus, & singulis, etiam si de illis, illorumq; totis tenoribus specialis specifica, expressa, & indiuidua, non autem per clausulas generales idem importantes mentio, seu quæuis alia expressio habenda foret, illorum tenores præsentibus pro expressis habentes, illis alias in suo robore per manentis, hac vice dumtaxat, specialiter, & expressè derogamus, & contrarijs quibuscunq; Aut si aliquibus communiter, vel diuisim ab Apostolica sit Sede indultum, quod interdicti, suspendi, vel excommunicari non possint per Literas Apostolicas non facientes plenam, & expressam, ac de verbo ad verbum de indulto huiusmodi mentionem. Et quia difficile foret easdem præsentem ad singula quæque loca deferri, Volumus, & etiam declaramus, quòd earum Transumptis etiam impressis manu alicuius Notarij publici subscriptis, ac Sigillo alicuius personæ in dignitate Ecclesiastica constitutæ munitis eadem prorsus fides adhibeatur, ac si præsentem forent exhibitæ, vel ostensæ. Dat. Romæ apud Sanctum Marcum sub Annulo Piscatoris, die xx. Augusti, Milleesimo sexcentesimo quinto, Pontificatus Noltri Anno Primo.

M. Vestrius Barbianus.

